

1 San Juan

Jesucristo catiare wariro jira

¹ Jesu Cohamacu ya duserore yahuriro jira. Dóiputa wahmanoputa jiro tiro masare Cohamacu mehne ã jirucucu yoariro jia tiri jire. Mipure sã tirore yahu joana nija. Tirore tahona, catiro warore tirore ñi sã. Ñã tjira. Tirore ñina, sã wamomacari mehne tirore dahra ñi sã. ² Ahriro Cohamacu mehne ã jirucucu yoariro ahri yahpuru to masa bajuari baharo tirore sã ñi. Ñã jina tirore yahuja sã musare. Tiro jipihtia dachoripe to Pururo mehne jirucuriro to jichu, mipure Cohamacu tirore ñore sare. Tiro yahuja sã musare. ³ Cohamacu mehne macaina jija sã. To macuno mehne macaina cuhu jija sã. Ñã jina musa cuhu sã mehne macaina, Cohamacu mehne macaina, to macuno mehne macaina musa jihto cijhtore sã ñurire, sã tuhore musa cuhure sã yahuja. ⁴ Ahrireta sã joaja noano mari wahchehti cijhtire.

Buhriaro to wete marieno sehta Cohamacure ñaa yoaa ne mariahna

⁵ Ahri buhea Cohamacu macuno sare to yahuri cijiri jia nina. Miputa ahrire yahunahca sã musare: Cohamacu buhriaro yoaro sehta jira. Buhriaro wete marieno to jiro sehta tirore ne ñaa yoaa mariahna. Ñaa sehta nahitiano yoaro sehta jira. Cohamacure ne ñaa yoaa mariahna. To ã jia tiare yahuja musare. ⁶ Ñã jina nahitiano jina yoaro

seheta mari ñaare yoaina jipanahta “Cohamacu mehne macaina jija” nina, mari mahñona nija. Ñ yoa Cohamacu yare quihõno yoaeraja. ⁷ Ñ yoa buhriaropu jiina yoaro seheta Cohamacu to yoiro seheta mari noaa sehere yoana, paina Jesu yaina mehne noano jina nija. Mari ã yoaina jichu Cohamacu macuno Jesu to di cohãno mehne, crusai to yariari mehne jipihtia mari ñaa yoiro buhirire cohãna.

⁸ “Yuhu pini ne ñaare yoaeraja”, ni wacuna, mahñoare t̄hotuna nija mari. Mari ã ni t̄hotuna Cristo yare potocã jiare ne masieraja. ⁹ Wiho mejeta Cohamacure mari ñaa yoiro mari yahuchu tiro quihõno yoiro jiro, mari ñaare borohca. Ñ boro jipihtia mari ñaa buhirire cosawerohca tiro. To niro seheta yoiro jira tiro. ¹⁰ “Ñaare yoaeraja” nina, “Cohamacu mahñoriro jira”, nina nija mari. Õ seheta niina to buheare cahmaerara.

2

Cristo marine yoadohora

¹ Yu pohna, musa ñaare yoaerahto sehe ahriro joai nija. Yu ã ni joapachuta ñaare yoaboca musa. Musa ã yoachu ñuno Jesucristo noariro musa ya cjihtire to Puchurore õ sehe ni sini payorohca: “Ah-rina ti ñaare yoiro buhirire buhiri dahrei tjiga”, ni sini payorohca to Puchurore. ² Cristo mari ñaa yoiro buhirire cohãriro jira. Mari ñaa yoiro buhirire mari dihtare cohãerara. Jipihtiro macainapu cãhure ti ñaa yoiro buhirire cohã masina tiro.

³ Cohamacu to dutiare yoana, tirore potocãta noano masija mari. ⁴ Cãiro Cohamacu dutiare yoeraparota “Yuhu Cohamacure masija” nino, tiro mahñoriro jira. Ñ jiro Cristo yare potocã jiare ne masierara. ⁵ Pairo sehe Cohamacu dutiare yoariro Cohamacure tuaro cahñiro jira. “¿Cohamacu mehne macaina jijari mari?” ni masi duana, õ sehe mari masinahca: ⁶ “Cohamacu mehne macariro jija”, niriro Jesucristo yoaro seheta noare yoariro jiro cahmana tirore. To ã yoariro jichu ñuna “Cohamacu mehne macariro jija”, ni masija mari.

Wahma dutiare yahu dũcaha

⁷ Yu cahñina, ahri dutia mipure musare yu yahuhto wahma dutia jierara. Ahri dutia musa wahmanopure cjariro cjiro muna dutia tjira. Tí dutiare musa tuho tuhsure. ⁸ Mipu sehere musare yu yahuhto muna dutia jiparota wahma dutia cãhu jira. Cristo, musa cãhu tí dutiare yoara. Miputa nahitiano to pihti wahcãchu mari ñu masino seheta mari masierarire masi dũca wahcãna nija mari. Ñ jiro buhriaro mehne mari ñu masino seheta Cristo musare potocã jiare masichu yoaro ta tuhsure.

⁹ “Yuhu buhriaropu jiriro yoaro seheta Cohamacu dutiare yoariro jija”, cãiro niparota, painare ñu tuhtiriro jiro, tiro Cohamacu dutiare yoerara. ¹⁰ Ñ yoa paireore cahñiro pinihta buhriaropu jiriro yoaro seheta Cohamacu dutiare yoariro jira tiro. Ñ jiro ñaare pari turi yoa duerara. ¹¹ Paireore ñu tuhtiriro sehe nahitianopu

jiriro yoaro seheta jiro nina. Tiro capari ñherariro yoaro seheta jira. To wahahtore ñh masierara tiro.

¹² Yh pohna, Cristo to yariaro mehne mħsa ñaa yoari buhirire cohãri jire. Ā jicħ mħsare yahu joai nija. ¹³ Mħsa pħcħsħma cħhħ, mħsa Cristore wahmanopħre jirirore masina mħsa. Mħsa Ā masiina jicħ mħsa cħħure yahu joai nija. Mħsa wahma yapia ñariro watĩnore yħhdħrħcare mħsa. Mħsa Ā yħhdħrħcaina jicħ mħsa cħħure yahu joai nija.

¹⁴ Yh pohna, Cohamacħ mari Pħcħre mħsa masina. Mħsa Ā masiina jicħ mħsare mipħre yahu joai nija. Mħsa pħcħsħma, mħsa Cristore wahmanopħre jirirore masina mħsa. Mħsa Ā masiina jicħ mħsare yahu joai nija. Mħsa wahma yapia potocãta mħsa Cohamacħre wacũ tuaina jira. Ā jina mħsa Cohamacħ yare yoara. Ā yoana, mħsa ñariro watĩnore yħhdħrħcare. Ā jicħ mħsare yahu joai nija.

¹⁵ Ahri yahpare ahri yahpa macaa ñaare cahmaena tjiga. Ahri yahpa macaa ñaare cahmaina jina Cohamacħ mari Pħcħ sehere cahmaerara mħsa. ¹⁶ Ñaina ti basi ñaare ti goa pjarı, ñaare ti ñh duari mari Pħcħ Cohamacħ ya jierara. “Noano cħħa pahñoriro, masi pahñoriro jija yħhħ. Ne cãiro masħno yħħure yħhdħrħcaerara”, masa ti ni tħhotua mari Pħcħ Cohamacħ ya jierara. Tı jipihthia ahri yahpa macaa jira. ¹⁷ Ahri yahpa, ahri yahpa macaa cħhħ masa ti cahmari cjiri pihthia wahaahca. Cohamacħ cahmaare yoariro sehe jipihthia dachoripe Cohamacħ mehne jirucurohca.

Cristore ñh tuhtiro sehere yahuha João

¹⁸ Y_u pohna, ahri dacho to pihtihto mahanocã d_uhsara. “Cristore ñ_u tuhtiriro tarohca” ni, Jesu yaina m_usare yahu tuhs_ure. Mip_ure Cristore ñ_u tuhtiina pay_u ji tuhs_ure. Ti ã jich_u ñ_una mip_ure pihtihti dacho cjihto mahanocã to d_uhsach_u masija mari. ¹⁹ Ahriina Cristore ñ_u tuhtiina sehe mari mehne jipahta potocã mari mehne macaina jierare. ã jia tina marine cohãnocare. Tina mari mehne macaina jia, mari mehne jiboa. Marine cohãnocare. Ti ã cohãch_u mari mehne macaina ti jierach_u masija mari.

²⁰ Cristo Espíritu Santore m_usa sehere ware. ã jiro Espíritu Santo m_usa mehne jira. ã jina m_usa jipihtina Cristo yare potocã jiare masi tuhs_ura. ²¹ M_usare yahuc_u “Cristo yare masierara m_usa”, ni t_uhotueraja y_uh_u. M_usa Cristo yare masiina jich_u ñ_uc_u m_usare yahuja. Cristo ya ne mahñoa jierara. Tí c_uh_ure masiina m_usa jich_u masija y_uh_u.

²² Ahriro jira mahñoriro: “Jesu Cohamac_u masare y_uhd_uch_u yoa duti to warocariro Cristo waro jierara”, niriro sehe mahñoriro jira. Potocãta Cristore ñ_u tuhtiriro jira tiro. Cohamac_ure, to mac_uno c_uh_ure cahmaerariro jira Cristore ñ_u tuhtiriro. ²³ Õ sehe tjira: Jesure cahmaerariro sehe to P_uc_uro c_uh_ure cahmaerariro tjira. Jesure cahmariro sehe to P_uc_uro c_uh_ure cahmariro jira.

²⁴ Wahmanop_ure Cohamac_ure m_usa t_uhori cjirire noano wacũga. Tíre wacũna, Jesu mehne macaina jinahca m_usa. ã yoa to P_uc_uro mehne macaina jinahca. ²⁵ Tíreta Jesu marine yahure. Õ sehe jira to yahuri cjiri: “M_usa jipihtia dachoripe

Cohamacu mehne jirucunahca”, ni cüre Jesu marine.

²⁶ Paina musare mahñoa nina. Ti ã mahñoare masicu musare yahu joai nija. ²⁷ Æ ti mahñoina musa jipachuta musa sehere Cristo Espiritu Santore wa tuhsure. Espiritu Santo musa mehne jira. Musa mehne jiro musare buheriro jira. Æ jiro tiro jipihtiare musare yahura. To yahua potocãta jira. Mahñoare yahuerara tiro. Æ jina paio musare buhehtirore cahmaerara musa. Espiritu Santo to niriro seheta yoaga musa mipure. Æ yoana musa Cristo yare tuhona, tiro mehne macaina jiga.

²⁸ Æ tjira. Yu pohna, Cristo mehne macaina jiga musa. Æ jina Cristo to tahti dachore musa cuisu. Æ jina tiro to tahti dachore musa buo ti duhtisi. ²⁹ Cristo noaare yoariro to jichu musa masina. Tíre masina ahri cühure masiga musa. Jipihitina noaare yoaina Cohamacu pohmata jira. Ahri cühure masiga musa.

3

Musata Cohamacu pohna jira

¹ “Musa yu pohna jira” nino, tuacaro cahĩ yuhduhcajari Cohamacu marine. To ã cahĩina jinata to pohna jija mari. Ahri yahpa macaina ñaina Cohamacure masierara. Æ jia Cohamacu pohna mari jichu ñua tina mari cühure masierara. ² Yu cahĩina, mipure Cohamacu pohna jija mari. Æ jipanahta baharo mari jihti cjihtire mari noano masierasiniya. Æ masierapanahta ahri sehere masija. Cristore mari ñana, dóihta mari tirore

ñu masinahca. Ñ jina Cristo marine to bajuachu tiro to jiro seheta mari cohtotanahca. ³ Jipihtina ahrire masiina Cristo to tahtore cohtaina tirore ñu cña ñaare yoa duaerara.

⁴ Ñaare yoana to dutiare yuhdurucana nija. Ñ jia jipihtina ñaare yoaina Cohamacu dutiare yuhdurucaina jira. ⁵ Cristo masare ti ñaa buhirire cohãhtiro cjihto bajuari jire. Tiro ne ñaare yoaerara. Tíre masina musa. ⁶ Ñ jia jipihtina Cristo yaina ñaare yoarucuerara. Pairo sehe ñaare ã yoarucuro Cristore wacũ tuaeraro, ne tirore masierara. Ñ jiro Cristo yairo jierara. ⁷ Yu pohna, musare mahñoinare ne tũhoena tjiga. Jipihtina noare yoaina Cristo yoaro sehe noaina jira. ⁸ Pairo sehe ñaare ã yoarucuro watĩno yairo jira. Watĩno pinihta dóihta ñaare yoaruro jia tiri jire. Ñ jiro watĩno to ñaare yoaare, to ñaare yoa dutia cũhure duhuchu yoahituro cjihto Cohamacu macũno bajuari jire.

⁹ Cohamacu pohna jina Cohamacu yoaro seheta jiina jija. Ñ jinata ñaare yoarucueraja. Cohamacu mari Pucu to jichu mari sehe ñaare yoarucu masieraja. ¹⁰ Õ sehe jiinare Cohamacu pohmare masinahca: Cohamacu pohna watĩno pohna yoaro sehe jierara. Ñaare yoarucuina, painare cahĩeraina Cohamacu pohna jierara.

Musa mehne macainare cahĩga

¹¹ “Mari mehne macainare cahĩjhna”, ni buheare wahmanopure tũho tuhsure musa. ¹² Mari Caĩ to ñano yoaruro seheta yoaena tjijihna. Tiro watĩno yairo jiro, to bahurore wajãa tiri jire. ¿Dohse yoaro tirore wajãri, musa tãhotuchu? Tíre

yahuihtja m̄sare: Caĩ to yoari cjiri ñaa jia tiri jire. To bah̄ro sehe to noaare yoariro jich̄ ñ̄ tuhtiro to wahmino sehe tirore wajãa tiri jire.

¹³ ã jina ȳ coyea, ahri yahpa macaina m̄sare ti ñ̄ tuhtich̄ “¿Dohse jiro baro marine ñ̄ tuhtijari tina?”, ni t̄hotuena tjiga. ¹⁴ Mari pichac̄ wahaborina jimai. Mip̄re m̄anop̄ ã jirucuh̄tina cohtotarina p̄ jina nija mari. Jesu yainare cah̄na, Cohamac̄ marine to cohtotach̄ yoarire masija mari. Masare cah̄erariro pichac̄ wahahtiro jira. ¹⁵ To coyeirore ñ̄ tuhtirore masare wajãriro jira, Cohamac̄ to ñ̄ch̄. Masare wajãina ne m̄anop̄ Cohamac̄ mehne jirucusi. Tíre noano masina m̄sa. ¹⁶ Masare cah̄are õ sehe masinahca. Jipihtia dachoripe Cohamac̄ mehne mari jihto cjihtore Cristo yariaro marine tuaro cah̄re. ã yariaro marine to ã cah̄rucurire masich̄ yoaro nire. ã jina Cohamac̄ to cahmach̄ mari c̄h̄re Jesu yaina yaro jiborirore yariaro cahmaboca. ¹⁷ Paȳ cj̄ariro Jesu yairore p̄jac̄orirore ñ̄parota tirore p̄ ñ̄eraro, Cohamac̄re cah̄erara tiro. ¹⁸ Ȳ pohna, mari cah̄a sehe mari d̄sero dihta wijaero tjijaro. Masare mari cah̄na, potocãta tinare yoadohoro cahmana marine.

Cuiro marieno Cohamac̄ cahai ji masija mari

¹⁹ Tó seheta cah̄na mari potocã Cohamac̄ yaina mari jia tia c̄h̄re masinahca. ã jina Cohamac̄ cahai ne cuiro marieno mari ji masija. ²⁰ ã jina “Ñaa buhiri jica ȳh̄re”, mari ni t̄hotupanahta, Cohamac̄ cahai cuiro marieno ji masija. Tiro sehe mari ȳhdoro tuariro jiro jipihtiare masi

pahñoriro jira. ²¹ Y_h cahñina, noaare yoana, “Noaa sehere yoana nija”, ni t_hhotuna, Cohamac_h cahai mari cuiro marieno ji masija. ²² Cohamac_h to dutiare, to cahmaa c_hh_hre mari yoach_h, tirore mari sinino purota tiro warohca. ²³ Õ sehe dutira tiro marine: “Cohamac_h mac_hno_hre Jesucristore wac_hu tuaga. Ñ yoa Cristo marine to dutiriro seheta m_hsa mehne macainare cahñga m_hsa”, ninota dutira marine.

²⁴ Cohamac_h dutiare yoariro Cohamac_h mehne macariro jiro nina. To ã jiriro jich_h, Cohamac_h tiro mehne macariro jira. Cohamac_h mari mehne macariro to jiare mari masi duach_h marine to wariro Espíritu Santo tíre marine masich_h yoarohca.

4

Mahñoare ti buhech_h, Cohamac_h yare ti buhech_h c_hh_hre noano ñ_h masi dutiha

¹ Y_h cahñina, paina “Cohamac_h yairo Espíriture c_hh_haja”, niina ti jipach_hta ti buhea mahñoa jira. Paina sehe Espíritu Santo warore c_hh_haina ne mahño_hno marieno buhera tina. Pay_h “Cohamac_h yare yahu m_hhtaina jija”, nipahta mahño_hina jira mip_hre. Jipihtirop_h jira tina. Ñ jina paina m_hsare ti buhea sehe mahñoa buhea jich_h ñ_h masiga m_hsa. Cohamac_h ya ti jich_h c_hh_hre ñ_h masiga m_hsa. ² Cohamac_h yairo Espíritu Santore c_hh_hainare m_hsa ñ_h masi duana, ò sehe masinahca: “Jesucristo ahri yahpap_h mari yoaro sehe pjac_h tiriro bajuari jire” ni, buheina Cohamac_h yairo Espíritu Santore c_hh_haina jira tina. Ñ jina ã ni buheinare

ñu masinahca musa. ³ Paina sehe “Jesu ahri yahpapu mari yoaro sehe pjacu tiriro bajuerari jire” ni, buheina Cohamacu yairo Espiritu Santore cjueraina jira. Ti ya tuhotua Cristore ñu tuhtiriro to tuhoturo seheta jira. “Cristore ñu tuhtiriro tarohca”, ti nirire tuho tuhsare musa. Ñ yoa to ya buhea ahri yahpapure wihi tuhsare.

⁴ Musa sehe yu pohna, Cohamacu yaina jira musa. Ñ jina “Cohamacu yare yahu muhtaina jija sā” ni, mahñoinare yuhduruca tuhsare musa. Musa mehne jiro Espiritu Santo sehe tua yuhdurucara. Ñ jiro ahri yahpa macaina yairo watino yuhdoro tuara. Ñ jina mahñoinare yuhdurucare musa. Ñ jina ti buheare cahmaerare musa. ⁵ Mahñoina sehe ahri yahpa macaina ñaina jira. Ñ jia tina ahri yahpa macaa ñaare ti buhechu ahri yahpa macaina ñaina sehe tinare noano tuhora. ⁶ Mari sehe Cohamacu yaina jija. Ñ jia Cohamacure masina marine noano tuhora. Paina sehe Cohamacu yaina jieraa, marine ne tuho duaerara. Ti ñ tuho duaerachu ñuna ti ya buhea Cohamacu ya buhea ti jierachu masinahca mari. Paina sehe marine ti tuhochu ti ya buhea noaa buhea ti jichu cãhure masija mari.

Cohamacu painare tuaro cahñuruciro jira

⁷ Yu cahñina, Cohamacu marine painare cahichu yoariro jira. To ñ yoariro jichu ñuna mari mehne macainare cahñihna mari. Masare noano cahñina sehe Cohamacu pohna jira. Ñ jia tina Cohamacure noano masina. ⁸ Cohamacu jipihtinare tuaro cahñuruciro jira. To ñ cahñuruciro to jichu masare cahñeraina sehe Cohamacure masierara.

⁹ Cohamacu marine to cahĩare mari masi duana, õ sehe masinahca: Cohamacu sehe to macunore cãirota jirirore marine yuhduchu yoah tiro cjihtore ahri yahpapure warocari jire. ã warocaro marine to cahĩare marine masichu yoaro niri jire.

¹⁰ Cahĩa waro õ sehe jira: Cohamacure mari cahĩri cjiiri sehe potocã cahĩa waro jierara. Marine Cohamacu to cahĩa sehe potocãta cahĩa waro jira. ã yoa to macunore mari ñaa buhirire cohãhtiro cjihtore warocaro marine tuaro cahĩna tiro.

¹¹ Ycu cahĩina, Cohamacu ã tuaro marine to cahĩchu ñna mari cãhu mari mehne macainare cahĩjhna. ¹² Masa sehe ne Cohamacure ñerare. Tirore ñeraina mari jipachuta mari mehne macainare mari cahĩchu, Cohamacu sehe mari mehne ã jirucuro nina. ã jiro potocãta marine cahĩ namorucuchu yoara tiro. ¹³ Cohamacu sehe marine to yairo Espĩritu Santore ware. ã jina Espĩritu Santore cãana, Cohamacu mehne mari noano jia tiare, tiro sehe mari mehne to noano jia tia cãhure masija mari. ¹⁴ ã yoa Cohamacu mari Pucu to macunore ahri yahpa macainare yuhduchu yoah tiro cjihtore to warocarire sã ñu. Tĩre ñna painapure tĩre yahuja sã. ¹⁵ Cohamacu mehne macariro õ sehe niriro jira: “Jesu Cohamacu macuno jira”, niriro tiro pini Cohamacu mehne macariro jiro nina. ã yoa Cohamacu cãhu tiro mehne macariro jiro nina.

¹⁶ ã yoa marine Cohamacu to cahĩare masija mari. Cohamacu jipihtinare tuaro cahĩrucuro jira. ã jiro cãiro masare cahĩrucuro jiro, Cohamacu mehne macariro jira. ã jiro Cohamacu

cũhũ tiro mehne macariro jira. ¹⁷ ã jina mari noano cahĩ namorucuja Cohamacũre, paina cũhũre, buhiri dahreri dacho jichũ mari cuiro marieno mari jihto cjihtore. ã jina cui si mari ahri yahpai Cristo yoaro sehe jina. ¹⁸ Painare cahĩa mehne ne cuiro mariahna. Cohamacũ marine to cahĩare masina mari ñano wahahtore ne cuieraja. Masa cuja tinare buhiri dahrehtore cuiina jira. ã jiro cuiriro sehe Cohamacũ cahĩare masierariro jira.

¹⁹ Marine Cohamacũ cahĩ mũhtari jire. ã jina mari cũhũ tirore cahĩja. ²⁰ Cũiro “Cohamacũre cahĩja”, niriro jiparota paioire ñũ tuhtiriro jiro, mahñoriro jira tiro. Tiro to ñũrirore cahĩeraro, Cohamacũre cahĩ masierara tiro, tirore ñũeraro. ²¹ ã jiro õi jira marine Cristo to dutia: Cohamacũre cahĩriro jicũ mũ cahai jiriro cũhũre cahĩga.

5

Cohamacũ pohna ahri yahpa macaa ñaare yoa duaerara

¹ Jipihtina Jesure “Cohamacũ masare yũhdũchũ yoa duti to warocariro Cristo jira” niina, Cohamacũ pohna jira. Paina rũcũrore cahĩna, to pohna cũhũre cahĩja mari. ² Tõ sehta Cohamacũre cahĩna, to dutiare noano yoana to pohna cũhũre mari cahĩna nija. ³ To dutiare noano yoana Cohamacũre cahĩna nija. Cohamacũ to dutiare mari yoachũ marine warũoerara. Mari jipihtina Cohamacũ pohna jina, ahri yahpa macaa ñaare cahmaeraja mari. ã jia to dutiare mari yoachũ warũoerara. ⁴ Cohamacũre wacũ tuana ne ahri

yahpa macaa ñaare cahmaeraja. ã jina tirore mari wacũ tuari baharo ñano yoa duaeraja. ⁵ Ñaare cahmaerana õ sehe niina jija mari: “Jesu Cohamacu macuno jira”, niina jina ahri yahpa macaa ñaare cahmaeraina jija mari.

Cohamacu macunore yahuha João

⁶ Jesucristo ahri yahpau to tachu tirore João co mehne to bautisarire masina, crusapu to di cohãri cãhure masina, Cohamacu macuno to jiare masija mari. To bautisari dihta Cohamacu macuno to jiare marine masichu yoaerara. To di cohãri cãhu marine tíre masichu yoara. Espíritu Santo “Jesucristo Cohamacu macuno jira”, ni yahura marine. Tiro potocã ni yahuriro jira. ⁷ ã jia Jesu Cohamacu macuno to jiare tiaro marine yahura: ⁸ To macuno to jiare Espíritu Santo sehe marine yahura. ã yoa Jesure co mehne to bautisari cãhure masina, Cohamacu macuno to jiare masija mari. ã jina mari ya cjihtire to yariarire to di to cohãrire masina, Cohamacu macuno to jiare masija mari. ã jia tí sehe cãno potori marine masichu yoara Jesu Cohamacu macuno to jiare. ⁹ Masa ti yahuaire tãhona “Potocã tjira”, nija mari. ã niina jipanahta Cohamacu to macunore to yahuchu masa ti yahua yãhdoro tiro sehere noano tãhoro cahmana marine. Cohamacu waro to jichu to macunore to yahuaire tãhoro cahmana marine. ¹⁰ ã jia jipihina Cohamacu macunore wacũ tuaina Jesure yahua buheare noano tãhora. “Potocã tjira”, ni tãhotura tina Jesure yahua buheare. Cohamacu to macunore to yahuaire tãhoerariro “Cohamacu

mahñoriro jira”, niriro jira tiro. ¹¹ Cohamacu marine jipihitia dachoripe to catia mehne ã jirucuchu yoarohca. Cohamacu macuno yaina mari jichu ñuno ã jirucuchu yoarohca marine. Ahri jira Cohamacu marine to yahua. ¹² Cohamacu macuno yaina jia to catia mehne ã jirucuahca. Paina tirore cahmaeraina sehe to catia mehne ne ã jirucusi.

Yahu to joa batoa jira

¹³ Musa Cohamacu macunore wacũ tuaina Cohamacu catia mehne ã jirucunahca. Tíre musa masihtí cjihtire musare yahu joai nija.

¹⁴ Cohamacu to cahmariro seheta mari tirore dohse jiare mari sinichu tiro marine noano tũho nũnũnohca. ã mari sinina “Potocãta noano tũhora tiro”, ni masija mari. ¹⁵ Tirore mari sinichu, tiro marine tũhora. To ã tũhorire masina, tirore mari sinino purota to wahtiro jichu cãhũre masija mari.

¹⁶ Musa coyeyiro to ñaare yoachu ñuna, tí ñaa Cohamacu pichacapũ to waha dutia ñaa jierachu, tirore sini payobasaga Cohamacure. ã jiro Cohamacu tirore yoadohoro to catia mehne ã jirucuchu yoarohca tirore. Cohamacu pichacapũ to waha dutieraina dihtare sini payobasaga musa. Paye ñaa sehe Cohamacu pichacapũ to waha dutia ñaa waro jira. Cũiro tí ñaa warore to yoachu “Tirore sini payobasaga musa”, nieraja yũhũ. ¹⁷ Jipihitia ñaa yoaa ñaa warota jira, Cohamacu to ñũchu. Ti ã jipachũta paye ñaa Cohamacu pichacapũ to waha dutia ñaa jierara.

¹⁸ Cohamacu macuno Jesu sehe Cohamacu pohñare noano ñũ wihbora. To ã ñũ wihbochu watĩno sehe Cohamacu pohñare ne ñano yoa

masierara. Ñ jia Cohamacu pohna sehe ñaare ã yoarucuerara. Ahrire mari masija.

¹⁹ Mari sehe Cohamacu yaina jija. Watino sehe ahri yahpa macaina puhtoro jira. Ahri cãhure mari masija.

²⁰ Cohamacu macuno ahri yahpãre taro marine noano masichu yoare tiro. To ã yoachu potocãta Cohamacu waroreta mari noano masija. Ahri cãhure mari masija. Cohamacu macuno Jesucristo yaina jija mari. Ñ jina potocãta Cohamacu waro mehne macaina jina nija. Ahriro yu niriro potocãta Cohamacu waro jira. Ñ yoa ahriro to macuno to catia mehne ã jirucuchu yoariro jira.

²¹ Yu pohna, “Cohamacu jira”, ti nia masurine ño payoena tjiga.

Cohamacu Yare Yahari Tjuel New Testament in Guanano

copyright © 2007 Wycliffe Bible Translators, Inc.

Language: Guanano

Translation by: Wycliffe Bible Translators, Inc.

Copyright Information

© 2007, Bible League International. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

The New Testament

in Guanano

© 2007, Wycliffe Bible Translators, Inc. All rights reserved.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-08-06

PDF generated using Haiola and XeLaTeX on 21 Feb 2024 from source files
dated 29 Jan 2022
1f3a4366-edba-553b-a17f-bc47c9049c98